

possit ad risum & jocum inverti? Mirum
igitur non habetur, quod incredulis haec
nostra calamitatum historia fabulae speciem
praesupererat.

II.

IN EXOD. 3, 2.

*Luculentus Ss. lit. utriusque foederis sensus ostendit, illum, qui Patriarchis saepe, & Moysi praecipue, in ardente rubo adparuit, ac Israelitas a servitute Aegypti in libertatem Chanaanitidos adseruit יהוה ipsum, Gen. 48, 16 המלאך מלאך דניאל Job. 33, 23. מלאך מלאך פניו Conf. Exod. 23, 20. 21. non vero tantum creatum fuisse. *) Omnipotentem hunc Salvatorem agnoverunt Moses cum universa omni tempore Synagoga. Celebrarunt Aegyptii, Scriptores Judaei & Gentiles. **) Hic יהוה Dei Filius fuit, MAGNI CONSILII ET TESTAMENTI ANGELUS, Incarnationi praeludens, per quem Deus omnia fecit, conservat & gubernat. ***) Huic sententiae SS. PP. & Ecclesiae Doctores, contra Arianos depraefiantes, constans suffragium ferunt, & ipsa consenserit Ecclesia. ****)*

*) Amplius trecenties in sola Exodo יהוה legitur: Ipse מלאך de se Exod. 20, 2. prae-
di-

dicat : אָנֹכִי יְהוָה אֱלֹהֵיךְ : ego sum Dominus
Deus tuus. Quomodo incommutabile hoc
nomen soli Deo , juxta fidem, proprium
& singulare, Exod. 3, 15. Isa. 42, 8.
hic incommutabilis Divinitatis character
creaturae potest convenire? An toties in
alieno significato , *repraesentative* tantum,
nullibi proprie, Angelo, adsumto corpo-
re, ut aiunt, vices gerenti tribuitur, &
quidem nullo adjecto indicio, ex quo col-
ligi queat, nomen illud tantum de creatu-
ra intelligendum? Quis unquam Propheta,
Hagiographus, Legatus dixit? Ego Domi-
nus, ego Caesar, Rex &c.! Si in Patriarcha-
rum historia sub Esau nomine Jacob &c.,
aut in Libro Tobiae nomine Gabrielis tra-
etasset Raphael, ita, ut unus personam al-
terius sustineret, quis haec vel in profano
Scriptore probaret, cum tamen major in-
ter homines convenientia, major inter
Angelos similitudo, quam Deum inter &
creataram? — Ex sententia contraria, quae
Angelum creatum propugnat, *Socinianus*
obloquitur, Verbum non reipsa incarna-
tum esse, sed sicut in V. T., ita & hoc in
mysterio Angelum Dei vices supplere, sic,
ut intelligatur *Filius Dei* non reipsa, sed
repraesentative, adoptive, denominative, scil.
creatura perfectissima ac pene singularis,
Dei autoritate agens. Praefstat igitur Ss.
Script. obvium sensum sequi, & SS. PP. ar-
gumentis contra veteres Arianos suam re-
lin.

linquere efficaciam. Conf. *Exod.* 3. 4. 6.
20. 23. Decretorios hos textus olim va-
ferrimi Ariani e. g. *Euseb. Caesar.* cernen-
tes, fatebantur, ipsum Deum (Patrem)
adparuisse., sed Personam Filii fuisse, Pa-
tres invicte commonstrarunt. Nonne haec
doctrina ad refutandos Socinianos & varios
Theistas, atque ad gloriam Divinitatis Ver-
bi tuendam aptior, praefferenda est? Et
quam eximie relucet Verbi divini erga ho-
mines bonitas, ex qua jam ante Incarna-
tionem in terris visus est, & cum homi-
nibus converfatus? & quidem tanta cum
majestate, ac signis, tam evidentibus praes-
entiae divinae characteribus, ut populus
pene oppressus a gloria Dei clamaret ad
*Mosen Exod. 20, 19. non loquatur nobis
Dominus, ne forte moriamur.*

**) Perpendatur tantum *Exod.* 15. epini-
cion Mosis : אֲשֶׁר־לְהֹתָה, ubi non ange-
lica creatura, sed Deus ipse tanquam Re-
demtor & Salvator celebratur. Certe tot
prodigiorum ac benefactorum causa imme-
diata Angelus aequre violenter diceretur,
atque Aaron C. 14, 21. loco & nomine
Mosis manum super mare extensisse. Illa
postea miracula *Josue* 4, 23. *David. Psal.*
heb. 77, 17 — 21. *Judith* 5, 12. *Isa.* 63,
11. *Habac.* 3, 8. *Esd.* 9, 11. *Sap.* 19,
7 — 9: imo Christiana Ecclesia *Act.* 7, 36.
Heb. 11, 29. recoluere. Caeterum Conf.

Joseph. Antiq. L. 2. C. 16. *Phil. Lib.* 1. & 3. de Mose. & apud *Euseb. praepar. Evang.* L. 9. C. 28. *Ezechielum Poetam* & C. 17. *Artapan.* Etiam divini hujus beneficij mentionem transcriperunt *Diod. sic. Strabo, Trog. Pom., Polaemon, Ptolom. Mendesius.*

*** Conf. *Ioann.* 1, 3. 18. 5, 36. 37. *Matth.* 11, 27. *Act* 17, 25, 31. *Epb.* 1, 22. 23. *Gal.* 3, 19. *Coloss.* 1, 16. 1. *Tim.* 3, 15. Sicut Filius Dei conditor, conservator, & gubernator est, ita etiam sponsus Ecclesiae suae ab initio constitutus est, quare directorem etiam & Legislatorem (immediatum) fuisse non ambigitur. Haec constans & unanimis SS. PP. ex Script. est sententia, praecipue *Ss. Iren.*, *Hilar.*, *Ambros.* Hic S. Doctor in 1. *Cor.* 10, 9. neque tentemus *Christum* sicut quidam eorum tentaverunt, & a serpentibus perierunt, inquit: *Christum* tentasse dicuntur, quia *Christus* erat, qui ad *Mosen* loquebatur.

**** Ex PP. nonnihil uberior juvat hanc rem stabilire. *S. Iren.* fere per decursum totius *Lib.* 4. *adv. Haeres.* invicte probat, *Filium Dei, Dominum nostrum & Magistrum Adamo, Noe, Abrahae, Mosi* se manifestasse, excluso mediatore Angelo. Cit. *Lib. c. 21. edit. Le Preux, opera Gallafü,* idem S. Pater scribit: *utraque Testamenta unus & idem Paterfamilias produxit, Verbum*

====

bum Dei, Dominus noster Jesus Christus, qui
& Abrabae & Moysi locutus est. Hoc idem
docent S. Hilari. enarrat. in Psal. 134. ad v.,
qui percussit primogenita Aegypti, & in Libris
de Trinit.. Basil. M. adv. Eunom. Lib. 2. Am-
brosi. Lib. 1. de Fide c. 5. Just. Mart. in Dial.
cum Trypb.. Gregor. Naz. Lib. de Fide. S.
Athani. Serm. 4. c. Arianos. S. Chrys. in I.
Cor. 10, 1. Tertull. Lib. 2. adv. Marcionem.
Prudent. in Apotheos.. Leo M. Ep. ad Pulcher.
Hanc doctrinam Concil. Antioch. I. an. C.
266. contra Paul. Samosat. sub Dionys. P. R.
non solum ceu indubitatem tenuit, sed
etiam tanquam ab Apost. traditam in Ep.
Synodica declaravit: scil. Verbum Dei in
persona & sensibili forma Patriarchis & Mo-
ysi adparuisse. Accedit ipsa M. Ecclesia,
recinens Antiph. o Adonai & Dux &c., &
alteram in Parasc. popule meus! quid feci tibi
&c. Evidem S. August. ut Arianorum in-
fano occurreret sophismati, nonnunquam
aliter, quam praedecessores sui V. T. adpa-
ritiones explicare coepit, totius tamen ant-
iquitatis sententiam iterum in variis cir-
cumstantiis secutus, non semel agnovit,
Personam Filii Dei Mosi visam esse. Haec-
que autoritas M. Augustini, sicut & Liber
de coelesti Hier. multos ad opinionem de An-
gelo creato abduxit aevo Doctoris Angelici.
Sed cit. S. August. opinionem de Angelo crea-
to non ita certam habuit, quin aliam eli-
gendi de Domino Christo optionem daret.

Conf.

runt: bella Regibus Israel non conciverunt
a vicinis: gesta *Jebu*, ejusque successorum
non adornarunt, sed praenuntiarunt: non
in idolatriam solum, sed reliqua etiam
flagitia animadverterunt. *Eliam* 4. *Reg.* 1,
9 — 12. &c., *Elisaeum* 4. *Reg.* 2, 23. a cru-
delitatis nota, cuius recentes Manichaei
utrumque S. Vatem arguunt, vindicamus.
Elisaeus 4. *Reg.* 8, 7 — 10. & 2 *Reg.* 19, 15.
Benadad non circumvenit. Quid vero de
Baalam censendum, & *Propheta*, qui 3.
Reg. 13, 18. alteri Prophetae mentitus est,
explicabitur.

**) Haec divinae missionis sigilla. Ostendit
autem biblica historia, vera illos patrasse
miracula, eaque non in angulo solum, aut
coram Filiis Prophetarum; sed in conspe-
ctu universi populi: quibus omnibus nullam
inferunt contentionem, dubium nullum
ementita Gentilium signa. E. g. *Delpica*
Aesculapii, *Vespasiani*, *Hadriani*, *Apollonii*,
Simonis M., *Mabometi*. Et quot, quam
illustria non edidere oracula de eventibus re-
motissimis cum luculentis rerum ac persona-
rum adjunctis, de regnorum fatis ac revo-
lutionibus, de vicinis Judaeae Gentibus
ac hostibus e. g. *Moabitis*, *Ammonitis*, *Idu-
maeis*, *Syris*, *Tyriis*, *Affyriis*, *Babylonis*,
Persis, *Graccis* & *Romanis*? Quid ad haec
Paganorum vaticinia? quorum vanitatem
sapientiores gentilium risui habebant e. g.

Ci-